

Art. 10

Sessioni e cunvocatzioni

1. Su Consillu traballat in sessioni ordinaria e straordinaria.
2. Funt sessionis ordinàrias cussas chi benit fatas in su mesi de làmpadas e in su mesi de ladàmini.
3. Po sa convocazioni funt ordinàrius fintzas cuscus atòbius anca benit scritas is propostas de deliberazioni nomenadas de is articolus 32/2 litera B) de sa lei 142/90.
4. Su Consillu est cunvocau de su Sìndigu, una borta intèndia sa giunta comunali, ca fai s'òrdini de is traballus po sa dì, in su rispetu de su Regolamentu. Chi su Sìndigu si dimitit, su Consillu depit essi cunvocau de su sìndigu chi s'est dimìtiu. Cunvocat e est a cabu de su Consillu s'assessori prus mannu de edadi sceti po is convocatzionis fats apustis de is su annoamentu de is òrganus e p ois vacantzas diversas de is dimissionis.

Art.11

Comissionis

1. Su Consillu Comunali posit fai nasci comissionis chi abarrant sèmpiri, chi abarrant po unu pagheddu de tempus sceti o specialis.
2. Su nùmeru, is competenzias, is funtzionis e sa composizioni de custas, est detzìdia de su Regolamentu in su rispetu de su critèriu

proporzionali. Ddoi podit essi unu sistema de rapresentantza plurima o po delega.

3. Is comissionis podint cumbidai su sùndigu, is assessoris, is funtzionàrius e rapresentantis de fortzas socialis, polìticas e econòmicas a pigai parti a is traballus cosa insoru.

4. Is comissionis depint ascurtai su sùndigu e is assessori dònna borta chi ddu pedint.

Art.12

Funtzionis de is comissionis

1. Prima de totu is comissionis permanentis depint esaminai is àutus deliberativus de su consillu in manera chi custu traballit mellus.

2. Is comissionis temporaneas e specialis depint esaminai chistionis de importu particolari o generali inditadas de su consillu comunali.

3. Su Regolamentu cuncòrdat custas funtzionis:

- sa nòmna de su presidenti de sa comissioni;

- s'esami de is propostas de deliberatzionis chi is òrganus de su comunu ddis ant donau;

- esternatzioni de is bideas apitzus de is chistionis po is callis serbit sa consultatzionis preventiva;

- stùdiu, indàgini, circa e elaboratzioni de propostas.